

剡

源

逸

稿

剡源逸稿卷一

五古

送阮主簿

君來木樨前君歸菊花後相聞一萬里此會何由莽請停小
袖舞更帶太白酒歌情吳雨消馬足湘雲厚艱難覺愈忙絳
懸看不朽君家作九流世有經綸手推鋒識老將草檄記先
友到今淮海間未面名滿口伯兄起明經作吏願窠白僕也
蔡藿人但可做郊藪逡巡談瀉河錯落印懸斗高人閱四海
細大無不有誰能學賈胡終歲成墨守去去天西南風帆挂

高柳

董孺仲竹梧二十韻

翠竹繞亭東，碧梧峙亭西。董生下，惟處涼雲晝。淒淒我來黃
塵底，一見眼為迷。人生有高意，不在深林棲。看君同學兒，意
氣生虹霓。百斛聘娉娃，千金招馱駝。回翔出一語，青紫手可
梯。如何湖海豪，束縛數畝畦。淳前亦多端，芳叢映辛夷。對之
君若無，偷然處塗泥。拔尤得二友，清風如伯夷。又如洛中遊，
偏喜阮與嵇。解逅風日佳，隔林珍鳥啼。心閑四體適，野服搯
枯藜。此時二友閑，無言自成蹊。終有邱壑姿，相就不肯移。
書傍陰讀帖，詩將葉題誰。與好事者壺觴間，提攜客至我不
厭。客去我不睽，但請置俗事，勿來污談犀。

郎中令韓進道春蘭堂詩

春蘭如幽人可養不可疏當其解后間一幹便有餘而沈蕞
根生森然在庭除萬戶冠照席八龍星擁車韓侯世命薄清
高偃蓬蔭恍惚夢中語機神勿闕渠云是子孫祥訊占存古
書築室揭巍榜奉觴娛安與茲事真有漸天道徵不虛翦君
金鳳凰洗君玉蟾蜍他年老賓客或許建高閭

以江空歲年晚為五言詩懷於阮侯因寄宣城王叔敬

董孺仲

穴孤寒不孤歸鳥暮有雙交游亦多端相逢不同邦人情貴
目睫對門隔山江為公緩緩歌風雪滿北窗

歌聲聽難真歌淺索易空古來相知人固在真氣中
嗚呼復雞鳴鬱鬱逃縶桐枯蓬會雲飛高下由天風

宴人營一朝知士愁千歲鷓鴣不同調小大各有詣十游九
無成表色日夜弊殷勤教兒曹鋤錦非左計

宛陵有二士別久長在眼王孫朱絲弦董子黃金瓚惜哉清
廟材素置在山館聞有東游期榆柳春未晚

窮年有迴泉凍雪有豐年君侯百鍊材亦受世故煎向來青
絲髮重逢總華顛及時樹厚德蘭孫秀鮮鮮

蘭亭分韻得懷字

山川既云迴風日亦已佳楚蘭亭孫攜朋贊清懷小飲藻

搖箏風眠花拂堦野籟補歌吹官威怒談諧歡暢浩未極涼
蟾挂松齋

雲門分韻得是字

自游雲門山初經若郎水煙霞淡相鮮草樹青逾天縈迴費
幽省往往樓閣起向來王孫遊故迹甯復是欲去聞啼鵲松
風滿溪市

九日陰雨略霽即與孫子善騎行敬亭山道過王敬叔
兄弟遂歸子善家飲

今日是重九壯遊非勝流晞衣青陽風躍馬昭亭秋山莧木
芙蓉洗濯充市箒野語溪鳥高眺空雲邱法門何厯厯但

覺人聲稠餘興忽東指浩歌王家樓更恐負螭螭歸醉菊花
舟

十月廿二夜與方韶卿陳無逸顧伯玉客樓分韻得銜
字

朔風吹沙塵對面生礪礪高鳥投遠巢潛魚寄清水向我二
三子酣歌氣憑陵晝談談炊糜宵坐須篝燈鷓夷與金石洵
洵來相仍能樂世豈無多為異已憎茲事自寂寞薄分亦可
勝悠悠復悠悠起視明河升

大歌不成謠小歌或為歎今日歌稍歡心神一舒散兒童縱
爾逸交友客我謾古來嵇禰徒舉足遭鞿絆誰令從貴遊百

歲禁辱半浮生方難栖諸事付鴛鴦彈自然無鼓柁今不費爐
煨餘閒肯相呼更作清靜觀

次韻答仲賓南屏山詩

盆魚不忘川籠鳥嘗念山逃榮此淹泊亦復無餘閒粲粲錢
塘潮宿昔數往還百金裝酒錢千金買歌鬟興盡每忘歸長
年費追攀重來鬢影改照見雙霜斑郡塢更蕭索峴碑畧爛
斑誰無兒女懷沈茲羈旅顏王孫苦好事跡在吏隱間幾擬
穿巉巖相隨釣潏潏名宦自尚賒風煙正清嫺誰能禁行樂
徧促在塵寰

信州毛道士壯遊八韻

道人江鄉珍遷居得仙窟朝褰芝巖霞夕弄蘿溪月一日辭
故栖扁舟下吳越道逢安期生授以輕舉訣翦紙飛驪關
壺出城闕嵩恒指顧過遼觸談笑絕此身虛空中誰能作株
樛揮手謝往還清歌倚雲發

北山彌陀寺方丈得房宇

湖林歇疎雨春朝淡亭芳翕翕冶遊子車蓋紛攜將我亦約
良友駕言登北岡北岡不可登西雲日相望濯纓碧芹水散
襟紅藥房清猿躍我前珍鳥鳴我傍道人玄英孫探詩造溟
茫更僕傳鐙炬為客羅餐漿他遊豈無顏無此佳肝腸長歌
欲何為贈子無相忘

次韻新安勝羽主簿拜墓之作

黃流不返注白髮難重緇人心不干端得如懷親悲我讀上
墓篇知君美襟期柏泉到根在鳥語向人慈林塘豈不好花
木無津涯亦有車馬容歲月常來斯但恨一杯酒不及年顏
時開懷屬義士義士今為誰西風武林山吹散兒女姿

丁氏鶴泉

聘禽聘野鶴汲水汲山泉鶴饒礙眼目泉濁穢喉咽上士名
無隱中材修自然君看飲啄徒攘攘誰患賢立君清風臺歌
我白雲篇

移居山林和陶

讀書南館靜花竹五畝宅天晴風日佳持有山水役誰令更
湫溢歲月不煖席樂事去如夢情貌已非昔行止不諒人是
非焉足惜

寢廟何奕奕昔聞奚斯詩南榮支一榻大似尸祝之荒垣但
喬木本英風起予思生涯寄詩書人憐不知時我非班定遠古
筆今在茲此事未易言憤憤君勿疑

余少時愛騷晚見曹子建亦不自忘蓋山谷以此遺窮
消累絕無一毫求人歎賞之意近接識顧伯玉首以
文字下交又辱索予舊作藁本留家中有所可披憶
者各寫數首求是正云戴某題

余十年前答友人不求衆人賞始獲文字傳之句令觀
判源戴先生自跋其文亦如此意云張璠題

九日在邈索居無聊以滿城風雨近重陽為韻七詩以
自遣

一滿字

窮人憂夜長壯日惜日短九日俗所欣我意乃爾懶豈無解
憂酒素酌不能滿東園賦詩材紅石垂纂纂

二城字

憂患與寒暑攻人如五兵中年學養道嚴於守堅城秋風不
相貸白髮日夜生白盡會須止閱熟已不驚

三風字

秋色一已深四野嘶嚴風晨興視庭樹今非忽不同起騰諒
無術俛仰此世中作詩欲何為贈予以同窮

四雨字

粲粲黃菊花照我原上土拒霜亦多態終日相媚嫵春華豈
不美嗟此風露苦正命何所尤生遊復甘雨

五近字

山雞鮮羽毛野鶴健爪吻秋高草木淨屏處亦可隱一為嗜
慾牽遂與籠檻近作書報孔鵠出入宜少謹

六重字

刻本此詩誤作送官歸作

生世悔識字祝身如野農勤勞養尊老
滋味日可重晨窮熱
新黍耕休有過從吟答松籟此樂踰歌鍾

七陽字

此詩已見刻本今不錄

買馬莫買駒一首贈江東王宣慰

買馬莫買駒收玉莫收璞駒痴不識險璞厚終費琢我生百
憂身一出棄巖壑黃鵠病淒涼青雲老寥落君家山陰居識
我在西學說我雀蔡徒驚我董晁作我狂難自羈頗亦露頭
角鮮鮮秋騎遠豔豔春樓酌麻綸播草野斑衣照京洛風騷
共枝梧功名乃糟粕洪惟珪袞門四海聲煊赫同時三令尹
比步鸞鳳閣漂流三十年高下隨所泊君侯轉霄漢賤子因

叢薄金陵雖名邦非復古城郭山清逼嵩穎江遠包楚貉我
愛三茅峯鏡空翠巖峩真來仙遊廬雖云是雄窟宣風洗一
道名迹歸撫畧安能了養鹽相與窮羈勒嗚呼此事小遲暮
猶未惡君看居陸魚何如失林雀小大各有羣飛遊舊同樂
臨邛長卿婦荆土王粲客永懷車中顧浩歌忘離索歌短夜
還長荒雞接明發

客錢塘贈鮮于伯機鄧善之諸君兼託善之書劇達寄

趙子昂

一日歌一詩十日一舉觥客來問如何寸腸悲歡并歡緣欲
相見悲緣數平生我昔杭州居浮沈萬公卿重來故物盡但

有吳山青林仇白屠張先後以詩鳴鄧子學最苦閉門勘殘
經文辭窺李觀後來更縱橫伯機箕子後筆力萬馬勅我不
識其人初來見之驚在苒淺時序綢繆來弟兄雪姚子敬近
覲面番洪中書舊知名皆云與我厚千里同芳聲好古玉衛
辟子虔窮經價連城平日尤念之開奩雙眼明惟惜趙郎遠
遠如跂華星安知天上樂不羨此中情

送官歸作

刻本此題詩誤列滿城風雨
近重陽為韻第六篇重字詩

昨日送一官今日送一椽水溪十里客前後送已徧如何老
文學獨此久留戀趨走鞍馬疲關防簿書倦尋醫責誰諉投
効事難擅去住知奈何作歌聊自勸

剡源逸稿卷一

剡源逸稿卷二

七古

蝶軒歌壽閻風舒先生

蝶軒先生何所似，日日身游萬化裏。
問花何在蝶不知，書氣薰薰與花蝶飛玩。
香不玩花先生坐處書為家，客來問花亦無有。
却似惡書將眼遮，蝶軒寒晴風日美。
五色鳶綿題滿紙，青春錦繡篆畦徑。
紅樹煙霞閻風里，閻風山深誰去來。
雲籤祕篆歸瓊臺，那知總向軒中見。
花樹四時無數開，仙家看花不須種。
蝶花飛身花作供，只留佳核欲傳人。
不惜殘花流出洞，洞口兒童底解知。
尋香嗅藥不思歸，何年蛻汝塵埃骨。

下春風隨蝶飛鳳凰城中未堪憶瑪瑙坡前朱紫國寄聲說
與看花人舊夢飄飄却記得不須更說莊周事花前曾共莊
周戲問蝶乞花歸釀酒酒熟長年為花醉

除夜行贈大梁劉集卿

去年蘇州見除夜蘆岸野火紅千架博盆爆竹隔船聞水上
兒童跳復怕今年除夜在明州對酒欲歌窮壓頭長爐促膝
兄弟語衝土寒更上臨江樓人生行藏何可必肌皺肉繭無
休日開篷一笑得劉郎俯仰塵容坐中失嗚呼除夜百年尚
未多壯士一遇難蹉跎請君自飲我自歌如此除夜相逢何
采石行贈趙雲仲歸臨川寄故人楊惟叔

采石磯頭楊戶曹。春風立馬語滔滔。被移官舍曾對榻。夜坐
不知江月高。於時新辭萬山窟。袍綬鮮明映青髮。當機遲發
氣無前。不識窮愁是何物。平生學道揚文昌。南徐北謝歌
鄉街歸掃門。謝俗吏舌本為渠如木強。爾來二十三寒暑。君
棲蓬蒿我羈旅。音書沙漠迷死生。夢魂飄搖隔吳楚。今來挾
冊古杭州。知君只在玉溪頭。時時鄉人誦詞賦。往往屋壁賦
陽秋。浮花飄風姑勿道。貧賤殘年會長保。但今名迹耐磨研
相聞不似相聞好。楊花三月湖風顛。遊人正多無酒錢。長歌
爛墨寄趙掾。明年細寫碧雲篇。

僕異時嘗中秋夜醉坐吳山絕頂觀月四無人蹤飄飄

然江湖高爽處也去之三十年想念此樂如新李公
略坐中示高郎中畫圖援筆為賦

君不見浙江中秋中夜潮凌空斗起如銀橋又不見西湖中
秋中夜月滿眼玲瓏散冰雪紅塵車馬曉爭門畫船歌鼓晚
相聞誰知須臾人事息祕玩棄在荒涼村吳山山人氣清放
窮居縱游隨所往千門夜次山人行獨上山頂看蒼莽蒼鸞
綵鳳從何來涼風鼓簸天闌開空光水影相晃眩坐見千里
無纖埃當時少年輕世故兩腋飄飄欲生羽浮槎已學水中
仙吹簫更尋雲外侶陳迹荒涼三十年逢人更說無由緣開
編忽見中郎畫意趣皆是心茫然山中李侯亦瀟灑却燭卷

筵風露下更深百怪弄清妍一一樽前供點寫高林低岫來
砢砢浮圖窳堵參差生想當含毫意明決山經海若相經營
袁宏扁舟何足道庾亮南樓只秋草何以如今緇素中明月
長圓意長好月明山空誰往還沙鷗野鶴亦歡顏還有飄零
舊時客白頭夜夜夢吳山

次韻魯山陳文制機長篇因以為張尉之賦

君不見西蜀相如學遠遊流落歸來四壁又不見譙東孟
德沽隱名慙泥深居斷人跡行藏何嘗能自料空引蒼蠅污
白壁陳侯巖棲氣深古朱顏綠髮雙瞳碧傳餐一鉢鬼笑拙
據鞍千言天與力張仙骨鯁王侯賓家世編書出黃石平生

江湖亦汗漫酒醪詩諧晚相得浮沈今知各有命偶脫藩溷
同茵席南樓歌游東閣卧客懷傾翻如發幕忽需長箋酒長
句令我詫歎頭屢側人生交游在肝膽亦有相逢不相識探
弦正遣市語熱鬻養復值天雨足頗懷兩翁係累少白石清
泉動顏色家空自無官府責兒大已了門戶役安得壯士長
泥首看君青天生羽翼

澱山湖凍不可得舟贈陸家諸兄弟

北風一夜吹湖水玉凍瓊寒三百里東帆西柁去不流匪人
驚悅凌人喜凌人異時萬斛金黃流黑潦成璆琳炎天解駁
試纖手無此照眼玲瓏林書生未擬豪華樂三日浮家怨漂

泊茆家殺雞休學梁坐中王祥能出魚

近題唐伯齡康樂堂有天花玉樹之句併為隱梅作也

今見圖畫再賦

平生未識種梅人玉樹天花曾寫真今朝索詩方見畫便似
數面逾相親仙家百物隨意有人間處處春風手移來想自
蓬萊山花如大盤實如斗君不見孤山草堂猶姓林眼前諒
隱不謀深平塗萬丈黃塵海縱有梅花人不尋

丙申八月十八日次韻答江西熊分翁惠詩

誰家中秋無好月青陽門西最清汰勞體寄足一躊躇倦鳥
拋鞵馬離絀客車無酒非無興市食村羞隨手揭踉蹌但欲

開兒童鬪釘何須齒豪傑身等蠟屐各有好世議賢愚未渠
訣那知傍有醉吟翁正絕冠纓逃麴蘖開門一紙走村奚字
墨煙霏半明滅知君意到秉燭書徹夜封題待明發飢寒有
命非我事齒吻鏗錚如嚼鐵黃公壚下徒輩盡臨印市上家
具闕酒醒終然難置意四壁妻兒索衣襪邇來稍稍儒事起
道逢高冠不凌蔑坐車侯嬴誰動色並席林宗誰角折攜家
遠引勢未可會見荒郊闌車轍人生適意成節序猶及餅花
吐金屑遲歸不惜來往數為我談詩率竅穴已揀炙餅無硬
飽隣靡霏霏響春雪

贈談數臨江宋學古

鍾翁談天何所試
峴山山下青陽子
手持玄女一編書
云可從松士龍塚傍
逢輔嗣後來宋子
更絕倫不但得皮
真得髓布置算翻
北斗電餘評氣吸
西江水嗟予相逢
在恨晚揆粟占經
豈其理直須日晏
倦垂簾百錢共醉
紅塵裏

題燕國芳竹南軒

燕君借居亦種竹
處處扁軒名竹南
能令四時變寒暑
坐見平地生煙嵐
廣文之居何潭潭
厨無梁肉出無驂
歸來此君有清語
歲晚與子齊彭聃

贈當塗汪嬾翁

長江日夜東南趨
千帆萬柁交荆吳
何人閉門首學嬾
白晝

一翁眠畫圖身閑空作官府具年歲已免時流須煙雲草樹
野供張伏臘簞飄歌天道輸時時客至有不免踞石班荆開酒
壺功名奔馳那得爾晚暮且養千金軀勸翁堅居勿浪語龐
公梁鴻何代無嗚呼龐公梁鴻何代無

贈江西復初陳秀才

天風蕭蕭木葉疎百族畏動潛其居寬求如子亦不免意倦
千里迴行車盱江清可漁山栖野逸多長裾西歸洗塵酌江
水客來談詩碧雲裏

贈談天者章生

兒時看天似區脫怪得象緯懸空虛誰知吾人血肉體墮地

亦在星辰中貴權紛紛何足數
返待柴門卧風雨行藏迫人
不自料千里浮家向吳楚
漂流忽問織紗人
世年君平正服
明坐上忽遇章公子
舌底袞袞生機輪清談已多且休作我
蛇無足駒無角傳聞薦書起臺索還君青藜天祿閣

學錄高君陽歸韶州因憶舊友李明遠熊西玉兄弟

食不可無雙溪魚飲不可昭亭酒
魚肥酒釀雨不闕萬事終
傷老來醜平生江東似鄉土
衆中識君聞楚語論詩未下五
字城明經幸無八風舞霜風日夜荒庭蕪思歸豈必須省符
李仙不來二熊遠與君何處說江湖

浦江方韶卿見示陳無逸倡和長篇次韻

君不見梅仙拋客隱吳市時時采藥煙霞裏又不見玄真逃
聘作漁郎風雨扁舟無定止方翁自是儒者流曾向侯門躡
珠履年來嬾出學灌園儘老朱顏如孺子衣冠尚遺齊氣綏
詞章更擅唐風美夙昔聞名思一見不料芳題落吾几斷續
羣蛙談琴瑟紛披騷後殘蓀芷平生莫逆謝元暉七星灘前
呼不起自然失笑濠梁誰更低頭聽下里陳子也復可憐
人蜜桃鮮鮮照穠李移文約過道場山投竿待釣茗溪水興
來容易莫相逢歲晏清言猶在耳

送周秀才乘西遊松江投衛有山

東州可住家無田西州可遊囊少錢生身何處是鄉土投老

值窮良可憐。三年懷牒坐省戶。一夕裹書趨估船。縱令得祿
計已晚。况又出處俱茫然。喜君世法工磨研。感君天機耐熬煎。
平生交游算豈少。亦有垂上青雲巔。薦書張老曾好漢。卜肆
賈生猶少年。回頭掉臂似不屑。夢寐獨在松江邊。黃封官釀
絲珠唱紫袍。驕馬紅絲鞭。只今此樂那復得。但可飯蔬烹
惠泉。書樓百尺橫瑤鑄。九峯客坐餘寒氈。因君往訪問安樂。
歸來細和松風篇。

孫家貞婦詩其弟焦達卿治中

君莫吹蘄州城笛材竹不如聽孫家貞婦哭君莫拂單州堂
上琴絃絲不如歌孫家貞婦詩孫家婦娶焦家女單州夫成

新州壘十年夢裏隔音容一日書來隔生死霜奔露走不願
遲危心遠貼南雲飛誰知眼見寶釵合忽作身迎丹旆歸
來負土栽松柏時著嚴親珠淚落膝前囑付更分明青穀雙
端牛六角穀言纏結十分離牛要車塵能自持拋鉛掃黛誓
天日從此不畫雙蛾眉教兒詩書女箕箒日日烹調供姑舅
霜餘琪樹起清風春晚慈烏馴白晝都說孫家有貞婦毗陵
別駕佳公孫姊弟相輝成一門長函大軸書銘贊似輯韶箴
編瑤琨君不見漢時班馬兩家子男修女潔俱青史至今蘭
臺直筆屬何人定向孫焦名字起

顧伯玉喜余師生與張仲賓同日見既長篇次韻兼呈

諸公

擇交養高翻問疎
擇術慕窮猶戀儒
頻年江湖老竟及
餘事風流今亦無
涸車勢急別河伯
濶眉粧成逢子都
但驚羞殺欲伏地
何願要路系馳驅
中郎將種似憐我
俠氣湧湧先秦初
兒男墮地要筋骨
政爾豈不高門閭
鷗蓋千蒼擁賓佩
觥船萬柁行官醜
煩君灑掃喧童稚
喜君談諧忘旦晡
就中顧弟工吳歛
和者磊落牟陳屠
人生失意何可忽
鉛刀有時成湛虛
只願長年了衣飯
坐看君輩供時須

次韻和同年牟成甫壽母詩

有手不拂君家七尺珊瑚枝
有口不吸君家五色玻璃卮
但

羨君家西來爛熳翰墨種，噓祥吐秀無休時。天池紫雲芝玉燦，真官綵仗鴛鴦隨。朝纓使節倪首拾，名義百年無剩虧。長公鳳毛又最異，餘事虎頭端不知。中都之糧大官饌，日可饜飫諸珍奇。爾來辛苦費咀嚼，

酣呼樂飲世亦有，無此翁季更耐詩。碧油賢將新下榻，青綬冷官行被移。登堂何時拜家慶，茗溪風日方清熙。為君醉歌舞傲傲，君定點頭翁啟頤。

嘉興唐氏康樂堂詩

學道向來康樂公路迷，吹散蓬萊風。千年仙籍有，補處龐首九。十西塘翁西塘之居，何密密雲楹霧拱星漢通。翁來踏歌

六齋動翁歸醉眠羣鶴空遺香隱秀發不盡天花玉樹開蒙
茸高堂舉頭見康樂日聚冠佩鳴笙桐庾叅高居作其壘廣
成清嘯娛崆峒亦聞好義多眼給閭井笑歌庭巷同長生難
學福可積眉睫隱約浮陰功九峯三泖我更熟丹成許子騎
鸞鴻

王徵君攜九日詩求和

邛杖鄙縮垂白叟寶逢山下逢重九臺哈醉眼笑向人赤手
得官曾不受窮嫌俗狀輕斗粟老把風情寄杯酒明日蕭條
有新作攜過東州村學究支牀曳塗俱可憐還我靈龜養者
壽

俞聘君遊睦索贈為長句因呈睦守

俞侯談天有家法年少名字驚諸公麻鞋已登羣玉府蒲帆
忽泛五湖風青雲却步良迎達白日聞簾難諱窮憶昔連鑪
季主舍屏間羨爾嬌顏童飄搖二紀舉白頭交遊八荒終眼
空睦州使君人物準開筵劇談氣吐虹似聞有孫喜相就江
螯霜肥山米紅尋栖自慙北歸燕寄信豈乏南來鴻

送彥溫和黄仲正

去年離家元夕節與君共踏明州雪今日寒食未還鄉君還
獨看台州月少年疾走誰不誇雙鬢羞祇復羞蒼華君不見
深巖老鳳饑不食春風自待梧桐花

題董氏盤阿

盤阿盤阿何所有上有臺梧下蒲柳竹陰到處出漁舸花氣
清時鬪茶白主人無事日日遊遊日留連不知久水嘻山呀
時應答石磴風牀相左右何人口滑欲談事願我身健惟置
酒兒孫趁鏘各黃卷兄弟歡娛俱在口門高路僻少官府往
往過從祇朋友池東連釣得魴鯉西園小摘便蔬韭頗聞截
髮貫庖饌亦有承顏供瀟瀟古稱三樂今有二誰能十步能
計九但憐平生于世直空抱遺經卧林藪蛟龍泥盤且安跡
璞玉匣藏終遠咎看若自取良不薄形神混殺天所授為問
知魚濠上人得似忘機漢陰叟

卜者

古卜流傳誰不願得一靈龜家巨萬玉靈先生龜滿牀資產
只今何可算高軒肥馬休歎渠學道豈必求贏餘百錢早晚
充鮭蔬我亦開簾君看書

莫誚龍

年年八月多風雨稻已成糧天靳與行人惋惜居人啼銅山
港前聲最苦黃流照天何處來市屋半壁栖浮菰似聞遠村
龍徙穴作此洪漲山為開人言無雨向龍向乞今年自雨龍
無力功薄不慚更發嗔從人咽吭奪其食我生有命天所窮
龍嗔未息莫誚龍遮明放舟收濕稻壓酒椎牲拜龍廟

題雁圖

長灘頭短塹下三三兩兩相偎亞
問爾何不止林飛松江太湖稻
梁肥煙雲茫茫藏禍機人生無營
相類福山中亦有秋風屋

阮萬翁初得孫董孺仲賦懸弧行以賀之

邯鄲無醜姝桂林無惡枝
君看阮侯家總是聰明兒
風流翩翩孫又子金章紫綬來
未已新年傳到懸弧詩
名字重從阿良起阿良晚出已
可人虎頭犀額猩紅唇華堂洗
眸百家聚圖書印鉞來
遠巡五公四世端可必
阿翁當官有陰隲請翁
揮金教經術阮家諸兒良第一

卷二
贈月屋道人

豹獲有皮龍有骨木鑽石盤要通徹尋仙未了莫歸來江湖
何處無明月

剡源逸稿卷二

剡源逸稿卷三

五律

括蒼李元凱秀才索贈

傾蓋東風晚分襟海雨寒誰供廣文館猶帶野人冠花樹三天監魚龍七里灘何時相伴去吟嘯不艱難

孫母_林恭人輓詩

玉雪儒門並山川母德長憑誰彤管飾書此星為藏鼓鐸千原咽絲麻九族光兒曹有一客遠赴卧牛岡

木落風逾勁山空鶴自飛一珠端返照雙劍意同歸地下宗姻樂人間歲月非哀榮有如此行路_柱沾衣

次韻答閻風歸後見寄

又作揚州約開書似語靈月如山夜白雲在海天青臨路扶
籐慣忙書作草能平生飛動意未許託絨籐

華亭道中贈孫使君

白雪雙蓬鬢青天一葉舟身輕任吾道歲晚向他州畫裏眠
逢雁杯前喚起漚江湖且如此邱壑待王侯

漫刺非吾事輕帆忽此來湖高荒樞柰樹近出蘇臺米糶知
空沒魚籬是旋裁親知總無恙憔悴不須哀

迤邐湖包郭依稀雪送年肥鱸南港水高雁北風天故國今
如此清談亦偶然明朝獲不聞有虎溪船

朱教諭還新玉有詩次韻

新玉是儒窟君去作經師老鬢秋風覺歸心溪水知俸貧誰
繼粟事少且吟詩還有山房約能來一大奇

秋仲賓廉訪初至越相招以三詩贄往秋時兼 明州

未至

江海蕭疎地風霜峭峻天儒謠丹筆外野色繡衣前驥出看
空樞鴻鷺聽絕絃清時有涇渭書硯莫輕捐

選出燕臺右賢經洛社來威芒南斗直炎瘴北風開早欲空
山岳還曾問草萊明州亦行部旌旆莫徘徊

海息魚猶沸風高草木凋鋤荒鋪俎豆開險過膽軺有客歌

封岱何人諫伐遼。勛名賴公等窮拙。且漁樵。

甲午正月十三連雪始霽有作示隣友

冉冉雲痕薄濛濛青氣陰殘坡平卧犢新樹動鳴禽憶友吳
牋斷留人越酒深江湖在何許無事且清吟

吾鄉蔣俊民嘗宰閩中有聲晚入燕得一越學教授以
不稱職聞作詩賦藉之因寄敬周提舉

此老真能宦諸公但未知粉牆楊柳屋清酒鱖魚時俸薄仍
招客官閑且賦詩鏡湖曾有約不得共追隨

白髮三千里青山四十年猶騎廣文馬不費大農錢芳草樵
風選新茶穀雨前儒臺有知己容得放青顛

趙清臣孟澄名家佳士以貧就祿山陰以詩問訊

玉雪諸王後風塵百里師白袍窮自笑黃卷老相知夜雨牋
詩屋春風池注墨池隣牆有來往不願託哀遲

寶林寺得無字壁有徐季海詩碑

何處尋三窟端來寄一壺巖根接滄海雲杪挂浮圖古壁碑
漫滅靈鰻事有無昌公好相識閒暇說江湖

鮮于伯機次韻見寄復和答之

久宦有何好但能妨讀書君曾狎鷗鳥我亦戀鱸魚吟動花
扶硯游歸柳拂車西湖踈濶久消息近何如

學道真何用人人識姓名可煩雙壁聘已悞五漿迎官驛蛙

誰問閒門草自生
端來訪岑寂
肝膽許君傾

再次韻答鄧善之并問屠存博張仲賓

鄧子本經學
年來工篆書
空令闢軒馬
政不辨鮭魚
玉雪陳師道
山林徐仲車
青雲恐不免
留待日紛如

老去方慙學
窮來誰愛名
辛勤馬隊講
憔悴狗歌迎
竿牘煩諸彥
犁鋤看此生
秋風會相覓
家釀就誰傾

三次韻寄戴祖禹

同分剡溪派
自喜小王書
野服調驍馬
濃香薰蠹魚
歲時趁闕里
早晚上公車
與我真兄弟
風流但不如

已見三十九卷

其家有禮樂
可但愛書名
猶憶班荆語
曾同掃榻迎
飄零木

居士憔悴楮先生。看取滄浪水東流。日夜傾

送塗君長之麗澤。此缺咸淳中胡

敬

胡國器嘗以公府高

選得之

東萊開講處。青柳映天高。子去翻三篋。名成及二毛。吟蹤蒼石几。書夢碧松醪。此缺東南重題名。有俊髦

阮節之輓詩

珠樹三春落瓊田。一夜冰謔言。今是識吉夢。却無憑海上青蛾泣。空中白馬騰。容遊聞惡況。秋鬢轉鬢鬢

游敬亭訪黃蘗泉。董孺仲攜茶就泉上汲水煮之

李白醉遊處。秋風吹野花。謾煎黃蘗水。一試白雲茶。坐久谷

聲出吟圓山影斜憐君多道趣步步踏煙霞

施學諭克剛為黃蘗游有詩次韻異時太學數有茶會

余與施董二人者皆爐亭之舊

愛客嘗儲酒居間只種花坐來秋寺石憶到夜爐茶落魄重
顏耐飄零醉墨斜何緣得親近相伴佩飛霞

故總幹潘伯可從大輓詩

凡四首刻本只
載二首今補

憶昨秦淮上諸公盛說兵幕中渾不解局外却難平一去成
南北重來隔死生低頭拜圖像心事各分明

漢子兵間失陳郎歲裏姜同游總如許死後復何為風雪滄
江渡山林白壁辭招魂吾豈願挂劍或堪期

將泛松江先寄衛有山

南國秋將近西州水又多音書渾不寄故舊竟如何門未深
楊柳山應長薜蘿丹房三百疊意到一經過

黃老今窮健陳郎昔俊遊紅廊花裏寺青舫水邊樓一別三
經潦重來五換秋因行覓親舊隔浦是蘇州

王朋益巡按松江日余始以詩見

不礙登門夢西來費兩年魚龍五湖地雕鶚九秋天世尚誇
雌甲狂甯作散仙平生歌酒取次菊花前

喜完顏僉事至五首

早好遊仙賦真乘詔使鞍風霜搖百越星野逼三韓騷客山

中喜疲訊水後寬中年錯料事幾欲悔儒冠
海隘蛟龍橫山空雁鷺多除荒通直指挑險過前河境物題
偏怪風謠辨易說只應疏剖腹清興動煙蘿

驛頓疏逾酪川行楫勝車移符逃暴虎駐節出文魚弔古衣
冠有傷今林落疎澄清公易事天道信何如

楮溢糧空賤州繁邑自荒枯魚急河水鳴鳳鍊朝陽問苦劉
仙洞搜賢賀監鄉相關有休日戚日日探行藏

走昔身穿剡今時騎入吳傳詩驚七箸談政滿樵蘇一跌能
青夢相逢先白鬚六鼇何得近倘肯納珊瑚

送鮮于都事赴浙東

浙水東不已雨雲西更多捲書衙燕鶯馳驛論蛟鼉海譯評
新怪巖碑辨舊訛何官不可樂夫子意如何
石洞仙遺跡山城酒得名將家官下隱盡日畫中行問驛林
花動題崖險樹平殷勤賀吾黨上幙用儒英

屠夫人陳氏輓詩

開肩簪裳耦遷兒俎豆隣哺烏方待晚別駕已無晨喪禮廬
苦暗哀歌宰樹春些招吾不願彤管託何人

宣州高耐翁輓詩

德里通高蓋書林老斲輪耐成干指繫請到百年身追黑仙
無訣傳玄世有人風塵山谷裏從古著沈淪

白日終難駐黃河曲自流家成小鄉魯胸次古陽秋道在憐
歌鳳書遺想汗牛甯無沽酒絮解后洒松楸

宣州送荆秀才

一出寒又暑相思潮共江濕雲天近塔涼樹水明窗歸影今
子獨客情惟我雙杭州有豪貴遇合未眉龐

寄安吉朱賓父同年

儘說鄣南去鄣南信未真亂雲誰識路明月自依人白露黃
梁飯青山烏角巾東牀亦可喜眼底少麒麟

送宗美王教授之益陽

時益陽
新升州

儒脉湖湘遠州僚學校尊開荒鋪禮象創古振宮垣談塵駭

花譜書蟾岳雨痕斯文吾倦此洗眼看騰霧

李見下

董孺仲以九日游豹山詩成次韻

董生下帷倦尋策列山扉白髮溪泉亂青筇逕路微放歌知
日永出洞見人稀餘醉須相覓菜莢插滿幃

吳江界梅堰阻雪

古戍魚龍外歸人雁鷺邊茫茫雲塞路袞袞雪欺年蓬屋聊
偷話梅花是浪傳吳兒遺俗在爆火适愁眠

自華亭過澱山湖風日清快可喜

衆澤東南會扁舟西北經雪馳湖蕩白春動海山青歲事兼
魚歎鄉謠詫蜃靈鷗夷誰羨女祇合佩苓筐

題李氏恒莊圖

慕祿人間有千年李相賢龍鱗諫書絕馬鬣畫圖傳里俗脩
樵禁兒孫贖祭田霍誰憶汝空自築祈連

送樂清尹之任

莫識東甌水君行似畫圖四封三帶海十戶九冠儒
瑩客門鋪毯蠻娃履曳珠名門本清苦努力護修塗

寄韓君美

我識韓夫子清高隔幾塵風斤琢瑚璉天供養麒麟黃卷青
藜杖朱衣白氎巾何時愛溪水重說鄮山春

寄李明通有學仙之好

聞道幽棲處饒州復信州詩狂炎嶠長名與玉俱流夢遠花
驚眼春寒雪壓頭向來豪氣意肯便理菟裘

玉雪千人表珠璣四座清持螯蕭寺飲調馬楚堤行寂寂衣
冠聚搖搖象緯精尤憐窮阮籍隨例作狂生

花樹春何晚菘苗雨自肥不愁妨蠟屐生怕污練衣書去身
安否家移地是非清江一十里日日看雲飛

磊落江東郡人今說謝公生第新酒熟宿草故原空秀
追攀苦清談寤寐同看君初黨事初不繫窮通

竹簡休輕出金丹亦匪期海鷗閒玩客山燕晚休兒有酒懷
家少無車閱市宜江城菟園叟猶勝隱巫醫

一輩咸陽市條郎亦可人浮家成也未狂夢爲耶真北斗郵
城酒西風障去塵待憑千古意同護百年身

文史中年事深淪竟若何一鷗攜處遠三豕悟來多白石通
仙路滄浪亂酒歌時時朱墨倦東望引婆婆

天台楊生

宅里興公賦才名賈誼書行須萬里遠年成二毛初海市猶
螭螭湖鄉欲鰕魚宦身未忙在一醉何子如

送王生益陽教

此首重出
已見前

緜脈湖湘遠州僚學校尊開荒鋪禮象創古展宮垣談塵騷
花譜書蟾岳雨痕斯文吾倦矣洗眼看鸞騰

行次臨平鄉思愴然

白霧千門散青山一路迎官河高級級鄉堠近程程喜欲隨
醜泛窮須教犢耕東風也相厚替我箭興輕

貴縣朱子功以省符領沙縣學

頭白沙場去千灣復萬坡可容高偃蹇聊作小婆婆歲晚梅
花早山深桂樹多尊堯在吾里清暇一刊磨

懷王丞徵翁

閔世深虛老懷人歲又除諸儒猶冠蓋一士竟犁鋤談柄春
槽酒羹材雪圃蔬奇聞殊未息欲覓帳中書

史觀文輓詩

字之

家世三台府衣冠萬古風
生曾誓牖下病祇死車中
縞素郊原滿丹青廟社通
百年何可恨遺直付諸公

鼎食三千指衣冠八十年
殘恩虛竹帛舊像寄貂蟬
北客今無南陽別有阡
哀榮何用我懷古更潸然

許景初輓詩

掩抑還渠老昂藏只麼休
衣冠魯儒態辭賦楚騷流
手澤存三篋風神閱一邱
冥冥有還往應與謝公遊

方中立輓辭

祇着儒冠死斯人也自賢
山中草行傳館下曲臺篇
赤手曾行志蒼顏得盡年
平生江海夢飄散白雲邊

簡王元剛并寄意王理問德玉

刻本只一首此乃第二篇也

未覺窮無累還堪有隱名
白袍供拜跪班鬢學趨迎
山郭花遲發春湖水暗生
精廬誰最近尊酒約同傾

剡源逸稿卷三

剡源逸稿卷四

七律

題龜峯寺

靈龜一息三千歲，野老來看得幾回。
初日芙蓉仙掌出，斷雲鼉負海門開。
旗幡有氣生蛟窟，簪佩何人下騎臺。
賴有枯禪消受得，莫教靈府污塵埃。

代溪月真人和看雲老人所寄賜酒感興二詩韻

年年恩沛出皇家，此度仍回八月槎。
望闕蒼龍分瑞靄，開尊白獸寫流霞。
箋天久已知心事，鑑水惟應換鬢華。
遙想新春供大禮，班頭對御祝椒花。

物外方知歲月寬，孤松有待此盤桓。
三層樓出飛仙見，百尺竿頭退步難。
隔霧看花紅雨陣，舉頭見日紫金團。
總輸南野山中樂，消受瑤臺六月寒。

和王景陽邵玄同

王郎快筆郢斤風，邵叟清材越鑿桐。
覽鏡未諳今我異，開尊聊復故人同。
狂歌步月吳天白，醉眼看花湖水紅。
似此相逢莫虛擲，諸公元不為詩窮。

贈鄉僧

湖屋華燈感絳光，戍樓晴角動青陽。
齒從殘歲增新歲，人在他鄉說故鄉。
歌後尚堪吳語寫，樽前休笑楚衣狂。
酒錢脚力

隨緣有準擬春光醉幾場

蒙堂作

客路相逢亦偶然南屏山下送殘年青黃桃 春詩後紅白
梅花夜酌前但許揮犀鷺廣坐 華筵勤公紙帳清

如雪試筆新正第一篇

送祐之高郎中北上

星斗天高路不迷風情只著故山棲詩篇白髮彭州後歌曲
玄雲易水西小乘盡凋閑騷裊濃香寒凝古狻猊相依最有
南隣客日 吟書聽曉雞

歲月驅人老不知江南江竹筇枝烏鴉落月青燈夜魚蟹秋

風白酒時侯劍曾飛真有術仙舟可鍊苦無資知君此去平
津閣談笑唐虞也未遲

鄉友鄭秀才戒酒求和

惡況傳來亦皺眉多杯無奈發狂時途危有甯身難入屋旋
如蓬眼眩知陡頓出言傷貴近等閑成病減容儀官壩價貴
兼難醉莫誦同襟鄭老詩

庚子清明日陪方使君盛元仁林敬與同載過趙同年

君實西湖別墅小集使君有詩五章次韻

寒食清明三日後落花流水六橋前春風祇覺痴成夢人世
誰容醉得仙烏鳥隣牆聞哭伴麒麟荒塚見興年炎涼陳迹

君休問老子當年已怆然

不須蹤跡似鸞斯說與交游晚輩知沙路綠楊曾倚馬湖園
紅杏舊題詩江山形勝人舌尊酒風流此一時年少喜狂狂
不徹隔船休唱鷓鴣詞

尋春長怕與春違尋得春來事已非酒屋有時搔白旆歌船
何處喚青衣也憐詩客騎驢出幾見山翁放鶴歸惆悵自多
誰管得年年三月柳花飛

休將西子比西湖羞殺人間烈丈夫歌舞叢林歸梵唄金珠
荒坂出耕鋤三天竺在猿來不六井泉通蠶有無故老漸稀

圖牒盡煩翁史筆補河渠

湖濱新卧老於菟俗氣開軒一點無仙饌聞隨湖鼓集書床
難犯晝眠侏練袍素衿身辭祿汗簡青箱子襲儒從此儼琴
元白例屏風只把近詩糊

次韻趙尹送新弘道回江陰館舍

江陰風土舊知名說者令人健養生白壁茶園鷺日鑄紅泥
酒瓮勝烏程收杭田出官無賦種柳門閑客有情添興趙郎
珠履伴坐間肝膽最分明

寄阮巖州

桐廬皆說是天台綠障雲屏四面開漁蹟操收山市鬧蠶鄉
絲熟海商來定知白日稀書檄只許春風到酒杯君看錢塘

江上水朝昏兩拂郡城迴

鄉人舒子謨與毘陵白教授為同產兄弟嘗以書信問
大德庚子季秋始往見之

人生無限相逢樂何似白頭尋弟兄烏鵲銜花數行信鱸魚
蓴菜一杯羹干戈留得身俱在家世從來祿可耕何日山資
笑談了廣平湖上共柴荆

次韻閻翁將歸故里之作

春風不揀客簷低吹亂鄉愁與夢齊白助夜罾沙石鱸黃芽
水瓮峽園蠶餘生有累真蛇足萬言無言一免蹄從此長名
作編住山中亦有武陵溪

閱翁許以首夏過榆林然後始歸再次韻

久知老子始歸魯且為諸緩去齊麥麩春深黃可糗菜苗水
淨碧堪蠶夢中身世餘牛背向裏江湖半馬蹄已掃軒前壁
如練待賓醉照巖溪

正仲留鄆叔樂次韻寄之

青天不礙剗山低一日寒江草樹齊何處猶存丈人室幾回
暗解外孫蠶泥牆雨潤蝸書跡沙塹風喧馬迅蹄詩老又歸
君又遠誰將唱和落棠溪

四次韻寄正叔兼簡養直

眉宇軒軒未肯低風流今許幾人齊青春公子夷門警白日

先生太學養身在君如逃虎口技成吾未悟
馳蹄樽前此日相懷古春暖江魚正上溪

養直索和五次韻

相逢莫笑帽山低新喜編名版籍齊
盍拾松枝供夜燭冬栽菜甲備春齋
塵間城郭蝸雙角雨外江湖牛四蹄
猶有詩瓢無寄處為君浮出柳花溪

與坦師剡源六次韻

山花紅壓水花低早麥青連晚麥齊
上座端煩呼木杖先生只合傳冰蠶
身前韓子曾魔語過眼支公幾駭蹄
一飯別君能住否竹竿猶在釣魚溪

七次韻示隣友

杜宇岡前紅樹低，茶蘼坡上碧陰齊。
相逢欲唱誰家曲，未死還消幾瓮釐。
山市焙開香雀舌，村祠鼓散醉豚蹄。
天晴作急脩游事，休待春花路滿溪。

貴白西居喪三年，蔬食亦不得作詩。
庚寅之春二禁俱開，次韻戲之。

三年不賦海山青，白酒青蔬亦笑人。
鏡裏何時撚髭盡，尊前有客指搖頻。
又添一敵煩詩伯，祇怕三彭慙賊神。
急遣行厨相起發，蠶耕不動是閑民。

錢塘數友皆不免，以學正之祿糊口。
鄧善之得杭屠存。

博得婆白湛困得太山仇山村得鎮江張仲賓得江
陰一時皆有遠別因善之有詩次韻 藉之此二首
屬善之

夢裏相尋路已漫故人談笑碧雲端一官祿陰元非達萬卷
戲兒只是歡江樹繫舟城郭老春風吹酒鬢毛寒看詩感慨
贈豪舉只語從來不解數

湖煙淡白戲船歸江月昏黃邏柝微一笑風塵新歲改重來
城郭故人稀平生鄭老誰推轂今代揚雄不掩扉朝市山林
何處是歲寒心事得從違

再次韻與月汀

客思濛濛醉欲漫更從何處起愁端經時病酒閒憔悴信意
得詩窮喜歡萬事終輸章甫貴一官聊伴廣文寒明時婆學
多奇士行路敬啟不足歡

不須遠驛寄當歸幾夜寒芒動少微載酒客嫌窮巷僻尋梅
人比去年稀白鷗湖水雲千里青柳春風雪半扉此去山林
有相憶東來魚雁苦相違

三次韻與廷玉

清涼門逕碧苔漫自寫新詩賦古端翰墨何曾瘵飢飽鬢毛
羞覺耐悲歡鱸魚時節吳歌少鴻雁汀洲古避寒聞說新年
將起隱坐羶休作腐儒談

新婦磯頭春雁歸
讀仙亭上翠娥微
江山談笑誰堪繼
今古登臨如此稀
坐久海雲生硯嶽
夢回淮月挂禪扉
紅塵巷陌詩交少
杏花子來細語違

四次韻與仁近

吳州西去水漫漫
回首飛雲古樹端
故國琴書今有意
中年歌酒我無歡
江田雨飽魚龍橫
湖郭春輕雁鷺寒
漸濯塵纓作游事
儒冠辛苦不須歎

何處江湖不是歸
吳聲欲盡楚聲微
客來可歎船魚賤
公退須吟堦馬稀
歲熟名醪香市巷
潮迴古剎照巖扉
頻年思拙疎酬和
此去風情不願違

五次韻與仲賓

吳天東望碧雲漫，憶寄翩翩古錦端。
萬事江湖違老嫻，一尊風雪且清歡。
青春處士梅花瘦，白日王孫蕙草寒。
上國重儒君已起，坐羶休作廣文寒。

浮生如此欲安歸，裘馬登臨意轉微。
海氣白連江北遠，淮山青過浙西稀。
只應酒賤春攜客，莫為吟多晝掩扉。
書版官鏡閒滿屋，可能分賞賦離違。

次韻李宣慰南還之作

雲邊曾望謫仙樓，眉宇軒不著愁。
萬里煙嵐明漢節，百篇珠玉散蠻州。
何曾車後陪山簡，定許尊前唱杜秋。
巡歷事煩

兵騎肅烏絲野服 白休

海雲如暮浪如樓得見梅花一散愁馬去復來惟有骨雁飛
不列是何州囊詩天右梯航驛旅酒江南蟹稻秋若過吾鄉
訪人物清談猶有許文休

次韻華亭行之胡秀才

曾著春風駿馬鞭窮來江郭似窮邊身迷陳老騎牛處碑說
聽公莽虎年官戍寒砧清漜漜荒臺秋草碧芊芊胡郎氣色
添人眼為我添扶雙玉船

秋晚自海濱迴似阮使君及諸客

吾州雖不好官居消得文侯一偃車秋熟筵笄瓊液酒雪洗

盤鱠水精魚青煙古戍人畦菜白日公庭吏學書府事慚稀
賓客俊小詩撩觸定何如

次韻謝王尚書質野堂詩

長鏡山曠日鋤荒猶有空名挂孔堂萬卷青雲曾着力九州
黃髮更同鄉南風水國魚龍市西日煙林免鹿場從此書巢
添鱸炙揮毫時復試清狂

舒劉客主之選妙絕一時然二翁舉筆必欲進僕於坐
世無後輩久矣若僕者詎不可以不自知耶次韻託
趙道人持達

舒家門館難為客太學劉郎雪滿頭且放二翁成對壘未容

餘子得爭流山扉欲靜蛩鳴穴海市初晴蜃起樓輪與村西
窮化士一年三到閩風遊

黎州寺

不知何處起鍾聲雲作樓臺霧作洲洲上稻肥初起廢山中
黎
巨舊傳名林疎野地惟多石氣濕炎天亦少晴東畔有潭聞
險絕巖前時現老龍精

一區雞犬白雲顛亂後來看恁惘然劫火尚餘唐殿宇土風
疑是晉山川沿溪客散三洲路並寺僧耕百畝田欲訪縱由
題作白矮碑只在近時鑿

夢湘江

一諾傳來尚抵金當年門館士如林春風畫舸湘歌豔夜雨
黃簾浙酒聲魂訝塚間談易進身傳江上賦騷沈侯芭一足
何人是白首劉郎正苦吟

辭嵇山歸之明日徐尹周簿以饋至作詩為謝

白髮青山二十秋何人能作鏡中遊閑知忍餓勝忍辱去去
避名如避仇枝葉數重圍破屋梅花一路照歸舟殷勤輟寄
琴堂俸準擬春耕助買牛

五斗賦歸非隱淪談經馬隊也愁人山童笑覺衣裝舊溪水
看驚鬢影新西日桑榆三暹晚東風花柳五湖春知君偃室
閑無事歲暮相過不厭貧

王敬仲自宣州寄幅巾為贈

幅巾裁寄意何如千里知君勸隱居影慙青銅時自顧頂溫
白髮任頻流不堪翻去供時樣乍可籠來讀道書想見梅花
千樹裏麻鞋野服更清疎

寄秋仲賓

聞說街寒擁畫舫雪風吹海晝冥冥髮從年後須添白山比
浴中還較青湖暖早花迎遠旆日長馴鶴下空庭津頭莫訝
頻相採曾有書生識使星

蘭亭之集王監簿以病不預有詩次韻并呈秋廉訪

遊迹千年過眼空青山依舊碧叢叢詩成數點桃花雨酒醒

一番楊柳風談笑不知身已容追隨也覺鬢成翁風流只欠
王摩詰皂蓋青聽似畫中

寄君祥陳廉訪兼簡趙郎中王監簿諸公

莫怪明州留不住越州瀟洒勝明州千家聞市蓬萊曉五月
涼湖菡萏秋烏傍船穿雲母障紅粧人倚水精樓園林有酒
身無事東訪西尋總勝流

送伯恭胡主簿

胡侯胸中有冰雪所至談笑生清涼唾壺薰爐白玉塵駿馬
寶鞭紅錦障江湖簿領聊小試功名簡閱終相當道逢儒流
須顧盼君家自有尚書郎

寄朋益王廉訪時已除御史

可是求聞便許聞公餘猶得飽看山
名行霜府烏臺上身在天台雁蕩間
千洞煙霞供畫卷七城花木動詩顏
分明咫尺雲霄去前路高風尚可攀

題王麟伯先太夫人魚氏遺跡

魚家才女王家母文彩風流死不消
手織素絲成白雪眼看琪樹上青霄
他年野史存彤管何處仙蹤脫洞簫
想見仲宣書檄了夢魂長傍北雲飄

送張尉歸宣州因聞王敬叔

春風相見越王臺萬壑千巖迤邐來
蓬鬢從渠兵後老菊花

留得客中開城霜晚滑催鞍馬江月秋高傍酒杯問屋種花
王處士短筇何日破蒼苔

贈玉田張君張故循王諸孫隱於技術

金章紫艾難再得玉樹琅玕何處栽天上寄將雙燕去海邊
浮得一槎來黃花雨暖秋橫紫白蟬霜肥畫擁盃如此窮秋
亦瀟灑相逢穩放布簾開

安慶人歸不得陳彥恂教授書託張處士問之安慶舊

多元祐諸賢名跡彥恂至必修故事故有掃黃之說
客裏多愁不放杯兵餘懷古更登臺雪江浪合魚初落淮浦
風高雁未迴有客講廬披白蛤裕何時書壁掃青苔東南驛路

千帆接不寄相思一字來

行次曹娥懷望王德王翹館作王有松風閣

曹娥廟前春水生賀家湖上晚煙平
高人燕坐數龜息愁客獨歸聞雁聲
宿酒醒來初覺力豔詞傳去畧知名
想見燈宵茶話罷松風萬疊和鉶筌

秋廉訪回婺州因爰伯長之麗澤寄聞

海上蓬萊空有名洞中仙客又相迎
人傳一馬二童去春在千巖萬壑生
酒好不妨厨供淡丹成親覺步行輕
如何得似爰文學銜袖西庭一望傾

吳漢翔以鄞學杜先生故事起散職人有詩賀亦次韻

春風車蓋走紛紛，得似城南釣白雲。
祿仕終非隱之意，交游誰薦武陵文。
長篇開講傾廊聽，險韻徵詩就席分。
如此鄉人羞自獻，時僚拜聘有前聞。

青雲一散事無端，白壁自完人所歡。
犢鼻單衣窮耐次，蠅頭夾注老能看。
且令玉雪千儒喜，不廢煙雲百頃寬。
更有談諧隱臺省，高義方朔侍臣冠。

王都史求詩

長日如年不易消，海鄉風物況蕭條。
半涼半暖蠶三起，一曉一昏魚兩潮。
食儉近村珍筍脯，地寒初夏插秧苗。
清閑也到王都史，酒價詩逋儘見邀。

與孫同年晦叔同舟至四安而別

書生今有還家樂不用須
駟馬車容醲醲醲新獲黍厨羹
香糝自曾魚鄉隣問訊俱安業童稚趁迎總拜書却是同遊
轉惆悵詩監棋會總相疏

賀胡清甫奉壽母之瀋安主簿官舍

胡侯四十綵衣斑緩轡迎親山縣間俸外美供鮭膳遠衙餘
涼擁枕屏間乞聽燕語騰歌頌只把平安博笑顏絲竹滿庭
春酒醉待分餘插袖中還

謝別裕之郭御史

山城隨分有繁華倦客兼愁只憶家南蕩少時須白雁西風

何處不黃花猶憐篇詠經仙李略想溪山似永嘉明日回頭
望屋斗青陽門外是天涯

送汪同年至朝麻姑山下歸望南溪道院作

客路淒涼又送迎狂歌爛飲賦飄零風前數髮莖莖白馬上
看山段段青荒穴無丹生洞氣高林有鶴避湖腥明年準擬
三茅去欲借新箋道德經

投贈松江守張周卿

玉堂仙伯意何如江上脩脩五馬車水國秋深只鴻雁霜天
風暖正鱸魚清篇膾炙驚吳下古跡探尋到兩餘我亦倦遊
思國士相從欲待吏塵疎

送白湛園北上因託問晦叔師道二學士

詩名行卷舊知聞，意氣東來更不羣。
何處江湖無白飯，看君筆硯起青雲。
河梁雁動冰初合，驛路驢鳴日未曛。
天上貴人張與趙，相逢端許健論文。

澱山湖上贈古倫師

心事嬰孩髻已翁，江湖漂泊偶然同。
九峯三泖人煙外，十日五風羈旅中。
酒色初寒隨分綠，燭花深夜為誰紅。
明朝賸有商量在，聽雨看詩卧短篷。

余省望夫人王氏輓詩

成得儒冠也自清，從容雙劍合佳城。
白頭不識離鸞操，赤手

曾須濯鯉羹賢有歌詩傳琬琰窮將禮法化簪纓千年我作
梁鴻傳也侍孟光同隱名

次韻段少府賢兄超卿辭官叙懷之作

段家兄弟真連璧說著令人心眼明談笑一時三不愧身名
千里兩俱清兵閒解印龍蛇走官下揮金草芥輕可惜同風
不同地蹇驢吟帽負平生

段少府之伯姊嫁蕭者蕭死不二其守有命旌表門閭
少府言段氏如此以志節受寵者已四世矣超卿作
詩褒述余亦次韻

女中亦有英雄漢不著春風粉黛痕身誓薰砧同墓穴名隨

蒼白怨閨門寒泉柏子幽閨淚明月梅花厚夜魂空說江南
與江北幾家清節到兒孫

贈地理池陽阮厚翁其先父官至通籍

阮家眼法最人知移去青山亦大奇朱綬有靈非世用青囊
無語是吾師仙牛夜走知眠處玉樹春華見種時安得西風
雙柳采九華虛阜醉追隨

送李可行宰邵武光澤此縣舊是河南師魯坐處

三江西界七閩東此地鳴琴吏隱同紅酒衙坊榕葉雨黃蕉
村落桂花風鄉評評不知朱子壁記人猶說——尹公醉裏看君
眉睫異洗冤消關是陰功

九華胡鳴東醉中舉文伯張舊詩令和為次其韻伯張
晚節吾黨共惜之

金谷交游跡盡荒烏衣猶及見諸王談筵席上清飛屑分書
眼銜見數行秫米亦知新里賤菊花只憶舊泉香看詩更有
憐渠處醉極狂歌笑拊牀

喜承廉憲使去官閑適漸謀泛家揚子道從京口還居
西湖之上口占四詩贊慶

判得閑身醉幾回江南著處好池臺白頭未擬簪貂去赤手
新曾縛虎來北苑茶將餅小試東籬花傍帽山開門前瘦馬
須留却早晚山郊欲訪梅

泉石娥眉天下無，金山東望是姑蘇。
酒船千里載書硯，終日一家行畫圖。
落日新碑宏景鶴，西風新酒季鷹鱸。
十年鞍馬成何事，贏得鏡中雙滿鬚。

西湖最是舊曾游，游殺終還不自由。
座上酒頻嫌足少，官中衙早怕僧留。
收藏操縵扶黃菊，約束騎訶避白鷗。
此去閑身方屬我，六橋真買釣魚舟。

身閑虎處是香林，山北山南不尋費。
牛相襟懷偏好石，楊公家世慣辭金。
窮來動有千年寶，忙去猶攜五尺琴。
休用逢人苦相問，方紅塵裏白雲深。

次韻劉豪卿言懷

休嫌薄酒不堪中，且得澆君磊砢胸。
在處清談笑夷甫，何人豪氣似元龍。
游筇有伴秋醒散，倚籍無名晚睡濃。
便合吹噓上臺閣，大庭孤立語如鍾。

孫子善相邀山中歡遊，移日懷集，卿不得俱也。歸途雨。

中再次韻

人世那容日，再中歡遊時。得吐奇角碧，雲亂湧山成。
海白潦衝飛馬似龍驛，樹數尋吹角近江亭。
千瓮撥醅濃，翻思巖寺秋眠夜，抵足高談到曉鍾。

東來

東來且莫向歸途，清事留連亦可娛。
急槩敲冰蘇谷泖，短篷

聽雨賀家湖碧鱗鮮鯽逢船買紅印官醪到處沽寄語經行
好山水來家詩債不勝逋

歸次鄞江喜而有作示諸兒

春江雨後滑如繒青山倒懸江水清行人褰衣弄歸影照見
眉睫光熒熒故人誰存名老健枯樹新長曾飄零隣兒傭薪
亦欲活慎勿遠出勞心形

壽端甫廉侍御

先聲久合正臺紳遠俗初驚讀制綸眼見江東出煙霧身隨
南斗繫星辰烏瞻舊府翔翔熟鶴近新秋擊搏頻今日湖濱
一杯酒為公分作百城春

寄蕭山教陳文卿

蕭山櫻桃如蜜甜
湘湖蕓菜紫纖纖
祇傳墨客五千字
未負玉堂三萬籤
江邊雨涼清卧席
秋深山翠濕書簾
疎毫更有元龍老
想見相逢酒量添

題拱北樓

分明蛟鳳聳雲霄
鎮壓東南不願驕
岡勢城池星野列
軍聲昕夕海神朝
五風十雨天心穀
百越三韓斗尾杓
從此輿圖添壯觀
填街溢巷起歌謠

又和曹士開韻

江湖雲氣靜修修
湧出空中百尺樓
北斗星河十二野
西風

鼓角第三秋衆緣協力公應最餘蔭歡顏我不憂登覽意存
酬和約舉頭珠玉總名流

答王景陽病後寄

不須羞縮少年場老馬還堪照地光
廣席拋詩喧紙墨短檠課讀勤鉛黃
禾麻歲晚窮彭澤花章春風古白章
問健招邀君儘得鱸魚沽酒作重陽

東山雲氣白英英山下滄浪照月明
身在久知成後死書來仍似話前生
稱題詩力隨身長遣逐愁根併病
安得歲寒真踐約一犁一艇共漁耕

次張石山韻

江湖與子未相疏，歌酒清狂我不如。
白飯清羹窮似客，青燈細草老貪書。
兵前舊稿誰傳錄，湖上新年又借居。
聞說陸郎詩格長，應傳數紙到山廬。

卧房見寄

莫嫌窮病惱中年，也勝飄零混瘴煙。
百藥試來諸苦味，一牀坐處對趺穿。
何人有足能重舉，似我同愁祇自憐。
安得天風生羽翼，芙蓉山下棹歸船。

別應德茂懷斷江

空踏天台萬級梯，仙巢只在剡山西。
松風直寂支琴磴，華露春酣洗藥谿。
書石自同羣鶴宿，禪林時有一鶯啼。
如何約得

思書記舊隱雲間擬共題

送曹士弼赴巡檄

又趙輕裝入薜蘿官情終少道情多
山僧深暗青油幌春近風白玉珂
撫劍相逢吾老矣停杯不語意如何
平生夢見匡廬派何處人前覓好歌

了空道人尸解立祠

仙師已跨綵鸞飛老去還來白鶴歸
為問嚴裝犯塵土何如長嘯弄雲霏
穀入城遠祠堂設梅市身輕見亦稀
貧苦舌耕那去得玉池教我略生肥

苗繼先赴浙西憲幙

清漾滔滔江上波，卧聽塗巷起謠歌。
三吳北斗星辰直，六月南天風雨多。
此日玳筵知罄款，他年樞閣欲經過。
未論鼠雀逃鷹隼，且放鬆筠出薜蘿。

楊繼體教山陰求詩

南渡諸楊陰馬家，年來儒素淡紛華。
問渠江浦歌桃葉，得似山陰看菊花。
白日有時閑客語，青山何處冷官衙。
誰能多竹君須入，歸新詩滿卷誇。

眉總管陷交趾得脫

清時榮祿苦難違，剛納兵符養病歸。
便得東門牽犬去，也勝南海看鳶飛。
枕邊岐路黃梁熟，鏡裏功名黑鬢非。
賣劍買書

兒輩事家庭元著魯儒衣

門前種柳已婆婆如此高眠老子何皮儿日稀書閱編茶鑑
風細客來多歸耕尚及食黃獨對飲休將卷白波一種塵纓
驚欲洗情誰楚舞我吳歌

徐故父金陵別業初歸

余嘗過清溪亭
下留宿謝公墅

聞說山房瑣翠微山人新捧鶴書歸壁間舊雨螢曾照江上
秋風雁已飛年少君休棄黃卷名成人羨著斑衣清時閑客
容來往釣石吟整今是非

倪景行求詩

建上有田若不耕江湖頭白且橫經官厨夜雨憶黃獨隣屋

晚風聞素磬未必草玄能避世直判隱几到忘形除書未動
心閒在更作好歌令人聽

寄陸子方

清江一日走千舸亦有閒仙不喜邀幾片碧雲曾日暮數重
紅樹又秋高丹爐地近淮王藥詞筆人傳楚俗騷安得挂帆
乘便去菊花新酒又持螯

楊彥覺御史四遠圖

溟茫知隔幾重天此日看畫尚惘然南海伏波嵐瘴裏西風
博望斗牛邊龍宮開道聞郵語蚤戶逃虛認使旃寄訊白頭
驄馬客早將霖雨洗蠻煙

江雪渡

兒童聞雪意欣然老擁寒窗怕見天
睡早不知兒讀晚住深
長媿客來先清歡歲晏須相及好識
年來是浪傳猶勝山陰
徑歸去坐間衝袖出雄篇

陸深見過

茗雲溪山似剡中金焦雲氣接江東
一瓢行樂誰如子兩袖
銜詩也惱公竹筧石泉竈茶水布帆
霜夜稻畦風明年更得
身無累準擬清遊處處同

冬至後簡信之張生

凋顏蒼鬢三分老淡日輕風一半冬
行路有時同晚泊買田

何處傍春農經白雨溢鳴灘浦
海雲生落雁峯路下張衡
談易妙可容傾倒洗煩胸

吳月湖棄官入道

萬里歸來一散仙西湖殘月幾時圓
便令速化遼東鶴也勝
長看海上鷲問事語堪傳野史餘顏形已脫
蠻煙吾廬他日
能遊否玉樹瓊枝滿洞天

邱都事官所養母

聽說邱家壽母賢天將晚祿報華顏
雙駒手教成良驥獨登
心抽作硬絃朝市雲煙彤筆裏湖山花樹板輿前
懷中橘類
應難那何日千簪湊綵筵

陪通守郊飲

處處兒童識使君行春更過水雲西官清市陌魚蠶動歲熟
村妨坊鼓角聞白屋既容賓禮數青山聊共遣塵紛葛彊麤狹
何須說今代三公只喜文

簡仲賓子昂

李侯五馬去如鴻趙子千觚寫若空漫刺不應餘子得綠袍
時許故人同春晴放艇煙花浦夜月吹簫水玉宮說是宦游
人不信塵埃何處想仙風

徐氏金陵遠觀亭

吳帆楚轍去紛紛得似鍾山看白雲仙李有時留鳳迹老嵇

何處覓雞羣前身隱椽塵終遠幾度玄談日又曠我亦少年
還往熱乘風同訪大茅君

寄明通李狀元

山田二頃子明經消息傳來亦可聽野老有緣邀白袷市聲
無價買青萍煙雲陰壑知魚計風露仙林長鶴翎六館少年
俱老大尺書無惜慰飄零

牡丹得城字

於潛山下紫雲英好事分攜入海城曉露丹青收有跡春風
羅綺散無聲兵前鱸炙餘詩老坐上薰菹稱麴生至絕家風
渾爾好賸拚狂笑絕冠纓

次贈林秀才

閩中投筆氣無前，江上垂竿豈偶然。
塵土衣裾劍縱在，風霜鬢髮帽檐偏。
清心張翰思鱸夜，白眼嵇康送雁天。
惜取閑名好風措，休將名字俗人傳。

野山亭

煙波從古著飛仙，燕領封侯亦偶然。
江上劍捐餘故里，月中斧換待何年。
一時春滿催花酒，幾度風回采菊船。
我亦山林倦遊客，未將襪屨換貂蟬。

常熟馬教

東閣相疏二紀餘，郎君綠鬢也蒼華。
官曹言偃詩書里，經術

韋賢袞繡家淮近一帆乘酒舫湖多千筋仰魚槎
遙應亂得從游處曾種槐花與桂花

贈魁師

聞爾天台採藥去還曾乳竇葛龍來四時風湍雪長洒千里
春山花亂開坐處時揮白玉塵僧中誰築黃金臺道猷不作
支公遠幾度扶筇獨自回

慶元拜降治中官滿

吾聞別駕也清醞談笑三年海岳春面折驛書曾陟戶手開
官廩救饑民誦聲不絕能招客謙筆多慈為悅親安得風雲
天咫尺繡衣熟路展車輪

越城待旦

榮榮虛樓竹隔明
悲來展轉向誰傾
天寒胡雁出萬里
月落越雞啼四更
為底朱顏成老色
看人青史上新名
清溪白日村村有
五尺烏犍託此生

寄趙君理

愁裏煙花夢裏雲
南來處處只思君
風林葉散終歸本
江雁聲悲不離羣
此去楚鄉思買賦
何時吳客倩書裙
長安酒市梅花夜
擬待梅花醉幾分

次韻林敬與浙江潮

海口初驚捲素紅
江心忽見激層空
南來鬼泄鷓夷怒
西去

天開鐵箭功，漁子支持輕。
出蹟蟄人騰，踏闕稱雄同。
游四客，若年少奇氣，滔滔日未中。

張師道還闕口號

已從海嶽解塵纓，又見東風動召旌。
天上玉堂真學士，江南幕府老書生。
黃扉直上無多步，白髮新看只數莖。
鵬鷄逍遙元自可，貴遊時得詫紫荊。

畢參議輓詩

結髮明經至白頭，一官閑殺老參謀。
煙霞西灤詩中宅，風雨南柯夢裏侯。
自有簡書留月旦，何須碑石卧林邱。
平生不洒無家淚，望斷長江庾亮樓。

二月望席上春字

刻本題作次韻和蔚師鑑師
春懷此第一首失錄今補

客遊難值是良辰此日平分一半春
沙苑馬嘶晴戍路洞門花滿醉迷人
兵前物色存多苦酒後誰諧看轉真
願得遨頭襟度濶坐間豪伴虐精神

予得和章至用韻託遠觀陳尉轉上本堂太傅請同韻
君家兄弟如連璧湖海歸來共一卷無事酒酣容對卧有時
書好得同看花前鳥語依山屋竹外雲生暎水闌丘壑風流
宜自愛未須插作越人冠

似陳子得兄弟

危世功名出劍端君家依舊廣文寒
好書剩買供兒讀古帖

時攜共客看繞屋湍流風度曲留春花樂竹編闌幾回爛坐
忘歸去醉話顛狂倒筍冠

醉重茫然失話端論風玉樹照人寒詩無忌語從傳出書有
疑文更許看花透暖日閒度日晝長馴鶴屢窺闌儘窮儘有
山人到石屋松涼試鐵冠

剡源逸稿卷四

剡源逸稿卷五

五絕

題方壺水竹幽居橫幅

茶竈依巖廣漁竿插水湄
支筇一長嘯猶足傲當時

郭熙雪山圖

危磴白猶積殘林青未勻
閉門儂自可寒動跨驢人

荆源逸稿卷五

剡源逸稿卷六

六絕

題高彥敬吳山晚眺六言

野渡寒潮落日荒城淡樹疎煙行人白髮如許開卷青峯宛然

題子昂為德庸作林石

清溪抵掌千里奇石過眼百金想見風流鞍馬夢魂飛繞香林

題墨竹

丹淵樾驥千里眉山管豹一斑何處風枝露葉看渠雪鬢霜

顏

趙子俊暮歲同宿宗陽宮

春前南雪三白江上東風一青客客垂簾清晝辦香自讀黃

庭

江湖羊呷未熟風雨蟻夢方酣此去玄關遠近覓來與子同

參

冷風二老相笑急流一客如何聞說小山桂樹青雲又長新

柯

題子昂松石道士

數窠白石蒼蘚一空清風綠陰此日攜琴長往許誰杖策相

尋

五雜組

此凡三章刻本只載
二章脫末章今補

五雜組羅繡襦往復來駟馬車不獲已學著書

剡源逸稿卷七

七絕

茆山梁中砥有送存上人詩子昂在集賢為作畫卷

送得山僧已出山
枯藤自領白雲還
貴人要作三茆夢
尋到松聲月影間

贈三山劉秀才

芒鞋布襪三千里
雪鬢方瞳七十翁
只有剡山看未足
許君高踏桂花風

談星者王生自天台華頂持龍舒翁詩來

華頂峯前長嘯翁
眼光相照玲瓏殘
星騰月誰收拾猶在西

湖咳唾中

李仲方為張君編作水墨蘭菊圖

仙翁種花不經意
墨池吐^吐出雙瓊瑰
想見秋風月明夜
百年懷抱為君開

戴松春雨圖

關溪風雨黑漫漫
作急歸來也不難
不比長安騎馬客
中途怕濕錦鞵鞍

題南劍州貢士謝保章詩稿

謝家桂樹是誰栽
只得秋風一度開
地下不須頻懊恨
幾人虛到廣寒來

贈若晦鄭秀才

南山不住住西山一舸秋風自往還
聞說近來多禮物斷草
疏酒學空頑

題小米秋潮圖

幻境龍蛇不自知秋江漾出錦琉璃
幾迴無雨無風夜坐對
空江月上時

天台胡珏求資入道

侯門日日眼生花夢裏天台不是家
誰與結緣胡掌事朱顏
白髮養丹砂

趙達父所居軒前惟種橘二株金為名曰雙橘軒仍作

五小詩達父有壽母八十矣

門外馬塵三尺黃軒前自種橘林雙立看霜果翻懷袖更愛
春漿浮玉缸

投劾歸來坐綠陰無人終日意清深七柳五柳今誰覓說到

君家雙橘林

何用論千種地狀趙家庭砌只雙株偏憐磊落高人意錯被
人呼作木奴

隱吏從來骨已仙移家今住橘中天人間何處非兒戲更舞
萊衣八十年

江北聞名眼不開江南取次客中栽風流曾作靈均頌更許

何人著筆來

青山林處士祠堂林以戰死難

兵解神仙不可知梅花千樹鶴歸遲
人間面目塵埃者蓋拜
青山處士祠

次韻君美將行四絕

王公坡上水雲寒論別躊躇更駐鞍
休學渠家經濟術一生
錯眼看周官

華藏門堊柳藏橋江影山光最動搖
化得諸生喜吟詠儒宮
通籍有寬條

易道難窮說更難開編已作渺茫間
幾回解到忘言處碧社

亭前看鶴還

人間珍寶價連城亦有談空弄月明從此逢人問除目簪華
賞酒也風情

陳相師卷中見阮制幾丈詩次韻贈

君看武昌城上柳何似敬亭山下梅此翁一生太癯絕帶得
許多風味來

萬事不醒翻白波一身無病養黃婆道人縱有巧唇舌奈此
白中邱壑何

題蘇李泣別圖

此二首刻
本有缺補

弓疲矢盡三千里節弊衣穿十九年流落天涯有離別當時

誰擬畫圖傳

沙雲如雪雪如塵握手相看語語真多少世間無淚面一生
錯笑隴西人

送鄉人蔣高卿學正赴通州兼呈燕教授

我識荊州三印翁黑頭簪筆起儒宮君家鳳毛更自別肯與
燕雀爭春風

山明青黛水明沙二月淮南飛柳花賸把風流到文墨長官
瀟洒是通家

番陽任講書其初明人也與鄉先生慈湖楊學士往還
有梅帖藏其家然梅已羽化久矣講書之孫兒時嘗

戲插一枝堂除間至是數腴老茂以為詩書之祥也
江海風標玉雪身相聞千里是鄉人世間那有無根樹點點
慈湖翰墨香

當年京洛鬪繁華回首荒煙苑路斜誰信東風幻華手飄零
猶屬講書家

史廉訪自濟南來江東時趙子昂同知府事畫其所乘
玉鼻驄以為贈

南來雨汗赤鮮鮮齊楚江山路數千忽見趙侯疏散趣解鞍
振鬣一倏然

一儂唐粧亦自佳朱袍束帶軟烏紗還渠照影清溪水滿地

西風苜蓿花

泉石方道士桂窗

龍吟鶴舞大江濱
玉樹栽成得幾春
瀟洒白頭方道士
碧紗窗底坐修真

觀戲

破月誰知却又圓
鐙鳴鼓沸北風天
兒童生長兵休後
聽說興亡一粲然

鴛飛燕語夢交加
酒醒餘香尚遶車
說與徐郎莫相憶
春風不似舊時花

鄧善之行矣而不得遠
送走筆為舟中一笑

春風餞客擁城扉
柳上青青欲上衣
咫尺仙凡三萬里
華聰綵鷁雨中飛

雪夜和在明李先生

墨卿守墨不作急
歲晚欲就醉鄉公
何人伊吾驚夜半
大雪北窗歌南風

李唐春牧圖

牛放春谿睡不知
風巢日美太平時
鬢年記得哦詩倦
正折青條作馬騎

舉杯西湖呈方虛谷邵玄同席上

六橋煙水碧濛濛
頭白看來是夢中
得似趨朝文翰客
繡袍

驍馬走春風

看花曾醉曲江船
陳迹尋來三十年
歌酒風流方刺史
看花又在十年前

和方使君飲趙有實家園七絕

花時曾費萬金錢
不抵邯鄲一餉眠
尋得夢遊還彷彿
夢中求醉中天

人間兒戲幾般般
更送新毬過綠竿
七十老翁臺上笑
笑渠真作上天看

看花太守謫仙風
影醉隨花到水紅
安得笙千騎
簇綠樓霄漢
漢挂青虹

春風何處不堪詩
紅袖雕鞍碧玉卮
得似西湖湖上去
桃花成子笋成枝

鷓鴣一去五湖深
酒熟何人可共斟
喚醒孤山十年夢
坐中

三疊沈家琴

南亭北榭查清涼
小草疎花也自香
誰短垣環堵外
九衢

塵土汚如湯

春醒如因只宜茶
客夢如愁正著家
準擬主人重載酒
湖園

猶有未開花

村莊雜書十絕

牛腰草深沸殘蛙
烏背天青明淡霞
水村不知秋早晚
層層

高樹芙蓉華

過時晚禾霜下白無數秋菊雨中黃借我山蔬酌清盞輸他
溪蓼作重陽

海海油油腥且鮮江魚一斤三十錢野翁自漁溪浦上亦有
白鱗鋪滿船

沙鷗野鷺滄江千秋風儵儵煙水寒不辭低飛養羽翼且莫
忘戲翻波瀾

籬底碧玉數千根屋頭野花張錦雲安知爾非龐居士不問
我是李將軍

前村楮錢穰訓狐後村竹弓彈老烏道人無心問巫卜任爾

朝暮更嗚呼

看晴看雨早霞天占飽占飢秋月弦南翁糴糴議牛具北客
傳炊裝馬羈

山村健婦勝了男黃菊堆叢亦懶簪自春糶糶供母蕪族摘
桑葉飼原蠶

鄞塘烏菱甜勝酥龍潭紅蓋如瓠壺水西社長時釀熟有粟
無粟且來沽

春山苗長雉朝飛秋林葉稀烏夜啼去年穀多窮次骨今日
穀少醉如泥

冠氏馬浩秀才攜秋日海棠詩見過

凡三首刻本只
載第一首今補

海國中郎白髮迴蜀山西子返魂來一生不曉王摩詰真有
芭蕉雪裏開

客裏相逢更費詩分明秋日與華期紅顏不怕無人惜留待
東君也未遲

嘉慶己卯十月十九至廿七九日錄於無錫常州丹陽
丹徒舟中漕船擁擠不能前進悶甚悶甚夢花居士何
元錫識時往揚州迎謁阮宮保阮公祝嘏出京赴粵
督任也

刻源集逸葉詩文各一卷文上十二篇与卷
所得同已刻入彥著記矣今嘗輯士礼居跋
跋王君息塵語余曾見刻源集逸詩字有堯
圃題跋二段向之則漢陽洪君幼琴所藏也時
洪已由滬还金陵適荅孫三月回舊居因假歸此
本從何夢華手寫本錄出并錄堯圃兩跋其
中朱筆細字是勞季言手迹王洪均未之
知則為名人藏校之書尤為可寶錄副訖
識其緣起丁巳荷花生日 二聖風